



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

I. Galli tamen cedere Romanis coacti sunt sub initia tertiae Regum nostrorum stirpis in causa Arnulphi Remensis Archiepiscopi. Castigatur Cardinalis Perronius, qui heic agi putavit de Arnulpho ...

**urn:nbn:de:hbz:466:1-15617**

## & Imperij Lib. VII. Cap. XXV. 365

doquidem alium sensum recipere poterat. Præterea appellatio ad sedem apostolicam, quæ facta ante fuerat, cuīque synodus Gallicana concesserat, prohibebat quodam modo ne quid Episcopi definirent inconsulta sede apostolica; præterim cūm reus in appellatione perficerit quando sententia adversus illum pronuntiata est.

VII. Attamen, ut dixi, consilio Gallo-rum prorsus favebat regula generalis; quæ conceptis verbis extat in canone Carthaginensi, cuius auctoritas recepta erat in Occidente. Quin & Hadrianus ipse in Epitome canonum hunc quoque Carthaginem descripsit: *Item ut à judicibus consensu partium electis non appelletur. Sanè Ecclesia Gallicana insuperhabuit has ultimas Nicolai epistolas, quæ politiam canonicam in regno receptam ex eo capite pessumabant quòd pronuntiarent nullum Episcopum posse deponi inconsulta sede apostolica. Itaque perficit eadem Ecclesia in observacione trium regularum suprà adductarum in capitibus xxii. & xxiii. hujus libri: quas dein inviolatas præstitit Hadrianus secundus anno octingentesimo septuagesimo primo, id est, sexennio post epistolas Nicolai, adeo ut etiam causas definiri voluerit per judicium electorum.* Græci vero, in quorum collectione descripti sunt canones Carthaginenses, nequaquam ambigunt quin vetita prorsus sit appellatio à sententia judicum electorum; ut observant Zonaras, Balsamo, & Mattheus Blaftares, qui ad confirmandam hanc decisionem laudant libros Basiliocum.

VIII. Adeo autem invaluerat apud Gallos hæc opinio, appellari nimurum non posse à sententia judicum electorum, ut etiam ævo divi Bernardi persuasum omnibus fuerit id non licere. Scribens enim sanctus ille vir ad Innocentium secundum Papam de causa Abailardi, qui ob quadam doctrinæ capita in Concilio Senonensi damnatus fuerat à judicibus electis, ait: *Appellavit ab electis judicibus quod non putamus licere. Episcopi tamen Gallicani cesserunt appellacioni, reverentie causa, ut ait idem Bernardus in epistola sequenti. Pace tamen tanti viri dixerim, eo casu, quod ageretur de fide, debuisse causam illam per appellacionem rei aut relationem judicum devolvi ad apostolicam sedem. Difficultas enim hæc ad majora negotia pertinebat.*

### C A P V T   X X V .

#### Synopsis.

I. Galli tandem cedere Romanis coacti sunt sub-

*initia tertie Regum nostrorum stirpis in causa Arnulphi Remensis Archiepiscopi. Castigatur Cardinalis Perronus, qui hec agi putavit de Arnulpho Episcopo Aurelianensi.*

II. *Violate fidei reus Arnulphus causam dixit in Concilio Remensi; ubi proditionem confessus coram duodecim judicibus, depositus est à synodo.*

III. *Questum est in synodo an competens illa est ad judicandam causam absque auctoritate Summi Pontificis. Ad probandam necessitatem auctoritatis Romanae adducta sunt epistola illa apocryphe Pontificum Romanorum. Pro synodi vero potestate allati canones Africani, Antiocheni, Niceni, & auctoritas beati Gregorij, tum etiam exempla Egidij & Ebonis Archiepiscoporum Remensium.*

IV. *Recepta tum non erant voluntaria cessiones episcopatum. De formula confessionis Episcoporum reorum. Ea siebat singillatum apud confessores, in averseione autem apud synodum. Aferentibus autem confessoribus ejusmodi peccatum fuisse admisum quod pena depositionis plectendum esset, depositio peragebatur.*

V. *De depositione Ebonis Archiepiscopi Remensis. Tres Episcopos elegit qui peccatorum suorum judices essent. Tum tres rursum Episcopos confessionis sua ieses postulavisi. Qua peralita, depositus est.*

VI. *Arnulphus quatuor confessores elegit; eiisque crimina sua confessus, sententia synodi damnatus est: quoniam neque Papam appellaverat ante electionem judicium, neque postquam ejus electi erant.*

VII. *Exemplo Potamij Bracarensis & Ebonis Remensis colligi synodus canonice deponi Arnulphum posse, & alium in loco eius ordinari.*

VIII. *Arnulphus publicè proficeret violatam à se fuisse fidem Regi debitam. Brochardus Comes petit ut proditionis crimen expreſſe proficeretur. Intercessit Arnulphus Episcopus Aurelianensis, dicens confessionem nimini singillatum fieri debere nisi Presbyteris. Decernitur Arnulphi depositio.*

IX. *Subscriptis in actis cessionis episcopatus. Indicatur disserimen esse inter resignationes qua hodie sunt sine causa & eas qua tum siebant ob crimen.*

X. *Ioannes XV. Episcopos hujus depositionis auctores suscepit a divinis. Gerbertus aut obsequendum non esse huic suspensioni, quod adversus canones decreta esset.*

XI. *Arnulphus restitutus est in alia synodo Remensi, ob eam solam causam, quod depositus fuisse absque confessu & auctoritate sedis apostolice. Probatur ex Gerberto.*

I. **R**EGLA à Nicolao primo prolatâ, nullam nempe depositionem peragi posse absque auctoritate Summi Pontificis, retenta fuit in Romana sede: à qua Summi Pontifices non facile discedebant, nisi ea incidenter tempora ut acriter adversum tendentibus concedere cogerentur. Itaque univerfum orbem hujus novæ opinionis jugo colla submittere coegerunt, magnis illis nominibus veterum Pontificum ac Martyrum munera quæ extant in titulis apocrypharum epistolarum ab Isidoro collectarum, quarum auctoritati nemo contradicebat. Gallia quoque ipsa cedere tandem coacta est sub initia tertiae Regum nostrorum

Z z iii

stirpis in causa Arnulphi Remensis Archiepiscopi : qui cum Metropolitanus esset, facilius patere potuit auctoritati Romanae. Sed antequam ultra progrediamur, observandus hic est error Cardinalis Perronij: qui Arnulphum hunc Remensem Archiepiscopum confundit cum Arnulpho Episcopo Aurelianensi, eumque nominat Arnulphum Episcopum Aurelianensem; cum tamen certum sit Archiepiscopum illum causam dixisse ut reum, Episcopum vero Aurelianensem sedisse inter judices.

II. Ex actis Synodi Remensis habitando anno octingentesimo nonagesimo secundo colligitur Arnulphum illum Lotharij Regis filium fuisse ex concubina, Archiepiscopumque Remensem factum fuisse beneficio Hugonis Regis, cui praeliterat juramentum fidelityatis. Et tamen violata fide data, portas urbis Remensis avunculo Carolo aperuerat, qui armis regnum repetebat ab Hugone. Eam ob rem Hugo synodum Remensem convocavit: ad quam vocatus Arnulphus, prodictionem suam ac perjurium confessus est coram duodecim Episcopis quos judices & confessores suos esse postulavit, indignum se esse aiens episcopatu, eoque spoliari petens. Verbis autem generalibus confessionem suam repetit in Concilio coram Rege & proceribus. Tum deponitur a synodo, quæ pro eo vitam & membra a Rege impletarunt.

III. Quæsumus est in synodo an competens illa esset ad judicandam hanc causam absque auctoritate Summi Pontificis. Ad probandam necessitatem auctoritatis Romanae adducta sunt supposititiae epistola Iulij, Damasi, & aliorum Pontificum. At parte ex alia, duo quedam dicta sunt. Primum, Regem ante hos undecim menses epistolam scripsisse ad Ioannem XV. Papam, qua ad eum deferebat querelam suam adversus Arnulphum, petebatque *formam judicij*, in quam etiam sententiam scripterant Episcopi Remenses. sed Ioannem nihil haec tenus respondisse, necessitate iraque adactum Regem ad congregandam synodus: quæ optimo jure poterat cognoscere de accusatione ista, postquam adeo manifestum erat Pontificem nolle cognitionem habere. ita quippe sanctum in canonibus, qui totam harum rerum auctoritatem tribuunt synodis provincialibus. Laudantur autem in eam rem canones Africani, itemque Antiocheni, Niceni, & nonnulla loca ex epistolis beati Gregorij, tum etiam exempla Aegidij & Ebonis Remensium Archiepiscoporum, & interpretatione quam Hincmarus adhibuerat canon-

nibus & decretis quæ in hac materia allegantur.

IV. Igitur constituta Concilij potestate, probatur auctoritate Conciliorum Toleranorum prodictionem in Principem crimen esse quod depositionis pena plecti debet. Ceterum quod spectat ad confessionem Arnulphi, adnotandum est in antecedentium, ut res ista melius intelligatur, receptam temporis non fuisse voluntariam cessionem episcopatus sine causa legitima, veluti gravis infirmitatis, aut criminis capitalis quod depositione puniri mos esset. Quoad crimina vero, necessarium erat ea probari magno testium numero fide dignorum, aut ut ea reus fateretur. Sed valida non erat confessio nisi secundum prescriptas in jure formulas fieret: quam tamen cautione quadam exhibita fieri necesse erat, si forte crimen capitale esset. Constituerat Leo sufficere penitentibus confessionem criminum solis Presbyteris factam, neque necessarium esse ut ea scripto proderent. Videbat enim quod nisi ea necessitate exsolverentur, eorum inimici possent eis creare vita periculum. Eo exemplo Episcopi accusati admitebantur ad confessionem suorum criminum; quam singillatim faciebant, nihil circumstantium omittentes; & id quidem non coram universa synodo, sed apud Episcopos electos, qui ad secretum erant adstricti tanquam confessores penitentis. Hunc autem agendi modum ad dignitatem suam vertebat synodus, ad vitandam scilicet appellationem accusati, quod juxta canones Africanos damnato non licet ab electis judicibus provocare. Episcopi vero a reo electi, ab eo assumebantur tanquam judices, qui judiciariam ejus confessionem excipiebant, quæ fundamentum erat sententia damnationis. Confessio porro illa in aversione scribebatur in actis cessionis episcopatus quæ accusatus scripto dabat. Confessores vero, id est, judices electi, pronuntiabant crimen illud, quod accusatus fuerat confessus, pœnam depositionis mereri.

V. Exemplo sit depositio Ebonis Archiepiscopi Remensis: qui cum anno DCCXXXV. in synodo apud Theodosii villam accusatus fuisse a Ludovico Pio Imperatore, tres Episcopos elegit qui judices essent suorum peccatorum; coram quibus omnia confessus, remedium penitentie ab eis petit, ut a functione episcopali, cuius se indignum esse agnoscebat, recederet. Secundum canonivm institutionem elegit sibi, per consensum synodi, Episcopos judices peccatorum suorum, quos canones electos appellant; de quibus scriptum est in Concilio Africano c. 63.